

历朝诗约选

历朝诗约选

五言古詩十一

中唐

歷朝詩約選十一

李益一首

長干行

憶妾深閨裏。煙塵不曾識。嫁與長干人。沙頭候風色。五月
南風興。思君下巴陵。八月西風起。想君發揚子。去來悲如
何。見少離別多。湘潭幾日到。妾夢越風波。昨夜狂風度。吹
折江頭樹。渺渺暗無邊。行人在何處。好乘浮雲驄。佳期蘭
渚東。鴛鴦綠浦上。翡翠錦屏中。自憐十五餘。顏色桃花紅。
那作商人婦。愁水復愁風。

李端一首

古別離

水國葉黃時。洞庭霜落夜。行舟問商估。宿在楓林下。此地送君還。茫茫似夢閒。後期知幾日。前路轉多山。巫峽通湘浦。迢迢隔雲雨。天晴見海檣。月落聞津鼓。人老自多愁。水深難急流。清宵歌一曲。白首對汀洲。

韋應物四十一首

郡齋雨中與諸文士燕集

兵衛森畫戟。燕寢凝清香。海上風雨至。逍遙地閣涼。煩疴近消散。嘉賓復滿堂。自慙居處崇。未覩斯民康。理會是非遣。性達形迹忘。鮮肥屬時禁。蔬果幸見嘗。俯飲一杯酒。仰

聆金玉章神歡體自輕意欲凌風翔吳中盛文史羣彥今
汪洋方知大藩地豈曰財賦疆

末四句於章法爲贅
意吳中文士所增

幽居

貴賤雖異等出門皆有營獨無外物牽遂此幽居情微雨
夜來過不知春草生青山忽已曙鳥雀繞舍鳴時與道人
偶或隨樵者行自當安蹇劣誰謂薄世榮

遊龍門香山泉

山水本自佳遊人已忘慮碧泉更幽絕賞愛未能去潺湲
寫幽磴繚繞帶嘉樹激轉忽殊流歸泓又同注羽觴自成
翫永日亦延趣靈草有時香仙源不知處還當俟圓月攜

手重游寓

龍門游眺

鑿山導伊流。中斷若天闢。都門遙相望。佳氣生朝夕。素懷出塵意。適有攜手客。精舍繚層阿。千龕鱗峭壁。緣雲路猶緬。憩澗鐘已寂。花樹發煙華。淙流散石脈。長嘯招遠風。臨潭漱金碧。日落望都城。人間何役役。

藍嶺精舍

石壁精舍高。排雲聊直上。佳游愜始願。忘險得前賞。崖傾景方暉。谷轉川如掌。綠林含蕭條。飛閣起弘敞。道人上方至。深夜還獨往。日落羣山陰。天秋百泉響。所嗟累已成。安

得長偃仰

遊開元精舍

夏衣始輕體。遊步愛僧居。果園新雨後。香臺照日初。綠陰生晝靜。孤花表春餘。符竹方爲累。形迹一來疎。

曇智禪師院

高年不復出門徑。眾草生時夏方新。雨果藥發餘榮疎。澹下林景流暮幽。禽情身名兩俱遣。獨此野寺行。

起度律師同居東齋院

釋子喜相偶。幽林俱避喧。安居同僧夏。清夜諷道言。對閣景恆晏。步庭陰始繁。逍遙無一事。松風入南軒。

永定寺喜辟强夜至

子有新歲慶。獨此苦寒歸。夜叩竹林寺。山行雪滿衣。深爐正然火。空齋共掩扉。還將一尊對。無言百事違。

遊溪

野水煙鶴唳。楚天雲雨空。翫舟清景晚。垂釣綠蒲中。落花飄旅衣。歸流澹輕風。緣源不可極。遠樹但青蔥。

再遊西郊渡

水曲一追遊。遊人重懷戀。嬋娟昨夜月。還向波中見。驚禽棲不定。流芳寒未徧。攜手更何時。佇看花似霰。

秋夜

庭樹轉蕭蕭。陰蟲還戚戚。獨向高齋眠。夜聞寒雨滴。微風時動牖。殘燈尙畱壁。惆悵平生懷。偏來委今夕。

燕居卽事

蕭條竹林院。風雨叢蘭折。幽鳥林上啼。青苔人跡絕。燕居日已永。夏木紛成結。几閣積羣書。時來北窗闕。

遊南齋

池上鳴佳禽。僧齋日幽寂。高林晚露清。紅藥無人摘。春水不生煙。荒岡筠翳石。不應朝夕遊。良爲蹉跎客。

郡中西齋

似與塵世絕。蕭條齋舍秋。寒花獨經雨。山禽時到州。清觴

養真氣玉書示道流豈將符守戀幸已棲心幽

對春雪

蕭肩杉松聲寂寥寒夜慮州貧人吏稀雪滿山城曙春塘
看幽谷棲禽愁未去開闡正亂流寧辨花枝處

示全真元常

自注元帝
趙氏生

余辭郡符去爾爲塵事牽寧知風雪夜復此對牀眠始話
南池飲更詠西樓篇無將一會易歲月坐推遷

南塘泛舟會元六昆季

端居倦時燠輕舟泛迴塘微風飄襟散橫吹繞林長雲澹
水容夕雨微荷氣涼一寫悃勤意寧用計華觴

同德寺雨後寄元侍御李博士

川上風雨來。須臾滿城闕。岩巖薨青蓮。界蕭條孤興發。前山
遽已淨。陰靄夜來歇。喬木生夏涼。流雲吐華月。嚴城自有
限。一水非難越。相望曙河遠。高齋坐超忽。

寄全椒山中道士

今朝郡齋冷。忽念山中客。澗底束荆薪。歸來煮白石。欲持
一瓢酒。遠慰風雨夕。落葉滿空山。何處尋行跡。

初發揚子寄元大校書

悽悽去親愛。泛泛入煙霧。歸棹洛陽人。殘鐘廣陵樹。今朝
此爲別。何處還相遇。世事波上舟。沿洄安得住。

淮上卽事寄廣陵親故

前舟已渺渺。欲渡誰相待。秋山起暮鐘。楚雨連滄海。風波離思滿。宿昔容髯改。獨鳥下東南。廣陵何處在。

新秋夜寄諸弟

兩地俱秋夕。相望共星河。高梧一葉下。空齋歸思多。方用憂人瘼。況自抱微痾。無將別來近。顏鬢已蹉跎。

寺居獨夜寄崔主簿

幽人寂無寐。木葉紛紛落。寒雨暗深更。流螢度高閣。坐使青燈曉。還傷夏衣薄。寧知歲方晏。離居更蕭索。

三月三日寄諸弟兼懷崔都水

暮節看已謝。茲晨愈可惜。風澹意傷春。池寒花斂夕。對酒始依依。懷人還的的。誰當曲水行。相思尋舊跡。

春日郊居寄萬年吉少府中孚三原盧少府偉夏侯

校書審

谷鳥時一嘯。田園春雨餘。光風動林早。高窗照日初。獨飲澗中水。吟咏老氏書。城闕應多事。誰憶此閑居。

寄恆璨

心絕去來緣。跡順人間事。獨尋秋草徑。夜宿寒山寺。今日郡齋閑。思問楞伽字。

長安遇馮著

客從東方來衣上灞陵雨問客何爲來采山因買斧冥冥
花正開颺颺驚新乳昨別今已春鬢絲生幾縷

酬盧嵩秋夜見寄五韻

喬木生夜涼月華滿前墀去君咫尺地勞君千里思素秉
棲遁志況貽招隱詩坐見林木榮願赴滄洲期何能待歲
晏攜手當此時

自注盧詩云
歲晏以爲期

經武功舊宅

茲邑昔所遊嘉會常在目歷載俄二九始往今來復感感
居人少茫茫野田綠風雨經舊墟毀垣迷往躅門臨川流
駛樹有羈雌宿多累恆悲往長年覺時速欲去終復爾徘徊

徊結心曲

過昭國里故第

不復見故人。一來過故宅。物變知景暄。心傷覺時寂。池荒
野筠合。庭綠幽草積。風散花意謝。鳥還山光夕。宿昔方同
賞。詎知今念昔。緘室在東廂。遺器不忍覲。柔翰全分意。芳
巾尙染澤。殘工委筐篋。餘素輕刀尺。收此還我家。將還復
愁惕。永絕攜手歡。空存舊行跡。冥冥獨無語。杳杳將何適。
唯思今古同時緩。傷與戚。

對芳樹

迢迢芳園樹。列映清池曲。對此傷人心。還如故時綠。風條

灑餘靄露葉承新旭佳人不再攀下有往來躅

東郊

吏舍跼終年出郊曠清曙楊柳散和風青山澹吾慮依叢
適自憩緣澗還復去微雨靄芳原春鳩鳴何處樂幽心屢
止遵事跡猶遽終罷期結廬慕陶真可庶

月溪與幼遐君貺同遊

自注時二子還城

岸篠覆迴溪迴溪曲如月沈沈水客綠寂寂流鶯歇淺石
方淩亂遊禽時出沒半雨夕陽霏緣源雜花發明晨重來
此同心應已闕

扈亭西陂燕賞

杲杲朝陽時悠悠清陂望嘉樹始氤氲春遊方浩蕩況逢
文翰侶愛此孤舟漾綠野際遙波橫雲分疊嶂公堂日爲
倦幽襟自茲曠有酒今滿盈願君盡弘量

畱別洛京親友

握手出都門駕言適京師豈不懷舊廬惆悵與子辭麗日
坐高閣清觴醺華池昨遊倏已過後遇良未知念結路方
永歲陰野無暉單車我當去暮雪子獨歸臨流一相望零
淚忽沾衣

寄子西

夏景已難度懷賢思方續喬樹落疎陰微風散煩燠傷離